

КЛАСС-и ЖАЗУЧУЛАРЫНЫ СОЮЗУ  
БЛА ВЛКСМ-и ОБЛАСТЬ КОМИТЕТИНИ ЖУРНАЛЫ

ISSN 0207-6543

# Нюр



1989





# БИЗНИ КАЛЕНДАРЫБЫЗ

Октябрь  
ай

4

БИРИНЧИ  
СПУТНИК  
УЧХАН КҮН  
(1957)



7  
СССР-ни

Конституциясыны Күню

М.Ю. Лермонтову  
Туугъан Күню

15



Ленинчи  
Комсомолну  
Туугъан  
Күню

29



суу кыйдум. Андан ичип, гёбелекчик суусабын кыандырды. Алай бла ол бизде жашап башлады. Бир кюн, эки кюн, юч кюн жашады. Кёбюсюнде кызыл гюлню юсюнде тура эди. Бирде терезе жабыуга, бирде уа — терезе кёзню мияласына да кёна эди. Миялагга кёнсa, ары жабышып кыалгыннга ушап, ары, тышына кыарап тура эди. Тышында уа — сууук, жел. Гёбелекчик терезеден кери учса, миялада аны сау гёбелекге ушагын омак ызы кыала эди.

Гёбелекчик бизде төрт, беш, алты кюн жашады. Жети да жашады, — сау ыйык! Сора тас болуп кыалды. Биз аны кёп, бек кёп изледик, алай бир жерде да таппадык. Таппадык да, излеуню кёйдук. Алай, жаныбыз ауруп, аны кюн сайын эсгере эдик. Бир ауукдан а эсгергени да кёйдук. Унута окына башладык.

Бирде уа бир жарык кюн, жылы кюн тийди. Юй башла жылындыла. Чорбатладан суу акыган быргыла шырылдаган таууш этдиле. Кыар да аз болуп, саз болуп кыалды. Кём-кём буз да жу-кыарды. Кыайдан чыкды эсе да, юйю-бюзде биринчи чибин — сау чибин! — учуп башлады. Кыайдан келди эсе да, мюйюште бир агач кыамажакчык жёбеледи. Биз аланы кыыстамадык, ёлтюрмедик. Ала бизде жашап башладыла.

— Келигиз, бу жылы кюн агач кыыйырында биягы бир кесек айла-

найык, — деди атам.

— Айланайык. Хайда, кийин, — деп, амам мени ашыкдырды.

Атам, амам бла бирге мен тышына чанасыз биринчи кере чыкдым.

— Кыарагыз, кыарагыз! — деди атам, агач кыыйырында жыяу жол-чукну бара.

Тал терекни кёбусунда бир кыызар-гынчыкны кёрдюк. Гёбелекчик! Мени кызыл гёбелегим! Ол, терекни кёбу тешигинде, кеси жеринден төпмөй, кыанатларын кыагыарга кюреше эди. Учарга суююп, алай учуп кеталмай турган кибик. Кыарыусуз эди гёбелек-чик, учалмай эди. Мен аны шошчук тутуп, биягы юйге келтирдим. Гёбеле-гим жылынды, тирилди да, учуп баш-лады...

Кыыш кетди да, жаз башы келди. Алай жаз башы да кетер да, жаз келир. Андан-мындан сенгирчгеле, гёбелекле учуп-учуп чыгарла. Сора жазны жай алышындырыр. Кызыл, сары, ак, кём, жашил гёбелекле кюн сайын учуп ай-ланырла. Жай ызындан кюз келсе уа, гёбелекле биягы кыайры эсе да учар-ла да кетерле. Мен аны билеме. Мен дагыда бир зат билеме: кыыш келир, кыыш кетер. Кыыш кетер да, жангы жаз келир. Кызыл гёбелекни, ариу гёбеле-гимн жангыдан кёрюме.

Мен аны энтда кёрлюкме.

Ол учуп келмөй кыаллык туююлдо.

*Орусчадан М. Мокаев кёчюргенди.*





# КЪОБАНЛАНЫ Хамзат

## Жумушчу кызычык

Бу кызычык тууган замат,  
Атыгын эдиле Жаячык.  
Къолу жумушка жаранган  
Амачыкды бу, амачык!

Эрттен бля эртте туруп,  
Кийимин кеси киеди.  
Сибирттин алып чыгып,  
Арбаз сыйпаргъа сюеди.

Ариу бешик жырла айта,  
Эгешчиги тебретеди.  
Бнапи жумушчу кызычыкга  
Хар кѳрген сейир этеди.

— Чуу-чуу-чуу! — деп, эрттен сайып  
Тауукылагъа аш атады.  
Кесин гитчениге угъай,  
Къарт аммагъа ушатады.

Аш этерге апасипа  
Сюйюп болушады Жаячык,  
Урчукъ да бурады бирде,  
Амачыкды бу, амачык!







# Къарашауай кюйсюз ханны кыстайды

— Артал да эсимден кетип къалгъанды, — дегенди хан. Къара ажирими бла сен минген аты эрттеп бла талашдырыбыз. Бюгюн кеч болгъанды, къонакъ. Къара ажирими атыг хорласа, сёзюм — сёздю, — дегенди хан, бир аз эс жыйгъандан сора.

Хан айтханыга Къарашауай угъай демегенди. Эрттенлик болгъанлай, Къарашауай Гемуданы ханны къаласыны къатында жаныл ёзенге бошлагъанды. Бираздан а, тогъуз киши билекликлеринден тутуп, бир уллу къаратор ажирни къарангы баудан чыгъарып келгендиле. Ажир Гемуданы кёргенди да, туякълары бла жер къазып, кесин анга тартдырып башлагъанды. Гемуда уа, аны эслемегенча этип, отлай, жубана тургъанды.

Хийсар хан белги бергенди да, ол тогъуз киши ажирни бошлагъандыла. Ажир кесин Гемудагъа атханды. Жете келип, шиш тургъанды. Эки ал аягъы бла Гемуданы сермегенди. Алай Гемуда, кёзю къагъып ачхынчы бир жанын секиргенди да, кесин урдурмагъанды. Ажирни туякълары алайда къадау ташха тийгендиле. Тийгендиле да, ташха от чакъдыргъандыла. Таш элия ургъан таууш этгенди. Бу халны кёргенде, Къарашауай бир кесек къоркъаракъ окъуна болгъанды. Ажирни аякълары бек ачыгъандыла да, ол экинчи кере Гемуданы терк сермегенди. Ажир алай абызырап тургъанлай, Гемуда шиш тургъанды да, эки ал аягъы бла сермегенди. Аны туякълары жеткенлей, ажирни жапхагъы окулгъанды.

Сора Гемуданы къаратор къабаргъа чабып, тишлери бла сермеп башлагъанды. Аулу жетген жерни юзюп-юзюп къобаргъанды. Гемуда да кюрешгенди сермерге, къабаргъа, алай къаратордан ошгул болалмагъанды. Гемуданы хорлатат тургъаны эсленгенди.

Къарашауай да, нёгерлери да къайгъыгъа къалгъандыла. Хан а къууанч тыпырлы болгъанды.

— Хейле, ол ажирни тюгю алай нек жылтырай болур? Эмеген жау сюртген болурла! — дегенди Къарашауайны бир нёгери. Иги эслеп къарагъандыла да, ажирни сыртына къабыргъаларына бир къара жау къалып скирткыжп тургъанын кёргендиле. Олсагъат Къарашауайны ол суушу ичип таркъайтыучу, ташланы жутуучу нёгери къууулуп кетгенди да, суу бойнундан аузу толу юмез алып келгенди. Сора ол юмезни къараторну юсюне чачханды. Гемудагъа жап киргенди. Хар сермегени сайын къараторну сыртындан «чабырлыкъла» къобарып башлагъанды.

Ажир къарыусуздан къарыусуз бола баргъанды. Ахир къарыуун таууса башлагъанда уа, къачып къутулур умут этгенди. Алай Гемуда, аны жалкъасындан алып, башын ёрге кётюрюрге къоймай, халкъны аллына сюрюшдюрюп келтиргенди. Келтире келип, ханы сермегенди да, тобукъландырып, тепдирмей къойгъанды.

— Энди уа бармыды оюнугъуз? — дегенди ханыга Къарашауай.

Къарашауайны къаны бузулуп сёлешгенин хан эслегенди да, къоркъ-





гъанды. Сора башына келир палахладан тынчыракъ къутулур умут этгенди.

— Угъай, багъалы къонакъларым, энди оюнларыбызны тауусханбыз. Сиз хорладыгъыз. Кызым да сизни болсун. Элтигиз. Оюнугъузну, тоюгъузну да энди кеси элигизде, кеси жеригизде этерсиз,— дегенди.

Нёгерлери бла кенгешин, оноулашып, Къарашауай сёзю ачыкъ салгъанды.

— Сен, хан,— дегенди ол,— кеси ёмюрюнде адамлагъа зорлукъ этгенлей келгенсе. Адам къанын тёюушю жукъгъа да санамагъанса. Сенден туугъан а сенден игими боллукъду?! Не манга, не нёгерлериме сени къызынг керек туююлдо, мюлкюн, малын да керек туююлдоле. Биз, къысхасын айтсам, былайда сени башынгы тайдырыргъа керек эдик. Алай сени харам къанынга да нек боялабыз! Жаша, агъачда къабаила, тауда бёрюле жашагъанча. «Аманны аман бла къуума, къанны къан бла жуума»,— деген сёз жюрюйдю бизде, нартлада.

Сен хан туююлсе, ёренге къанса, харам къан. Бююнден арысында къулла-рынгы, къарауашларынгы барысын да башларына азат этесе. Мюлкюнгю, малынгы, жеринги да алагъа юлшесе. Алай этмесенг а, ол ишни биз бек тап тамамларбыз. Болгъан ырысхыдан, мюлкден къулла, къарауашла бла тенг юлюшчюгюнгю ал да, кесинг да, къызынг да бу жерледен къуругъуз! Мындан арысында бу тийреде кёрюнсенг,

сау къоймабыз. Эшитмеген эдим деме.

— Ай, кюйсюз къонакъла, сизни былай этеригизни алгъадан билсем эди, бир амал этер эдим,— дегенди хан, ачыудан бети къаралып.

Къарашауайны айтханын этмей къояргъа Хийсар ханны онгу жокъ эди. Малы, мюлкюн, ырысхасын да къуллагъа, къарауашлагъа юлешгенди. Къыйыры, чегн болмагъан алапат жерле да алагъа къылгъандыла. Хан а, кесине жетген юлюшню да алып, къызы бла бирге узакъ жары кетгенди. Алай бла Хийсар ханны къуллары, къарауашлары башларына эркин болгъандыла. Къурманлыкъ къазанла асхандыла. Юч кюн бла юч кечени, Къарашауайны да, нёгерлерин да сыйлай, алгъышлай, той этип, къууанч этип тургъандыла. Тёртючю кюн Къарашауай да, нёгерлери да эллерине атлангандыла. Бара-бара, Къарашауайны бир нёгсри былай айтханды:

— Къарт анам жангызлай не эте тура болур? Мен жортуулда бу жолча кёп къалсам, кюню да — кече, кечеси да — кече болуп, аллыма къарап туруучуду. Кюн сайын дуппургъа чыгып, жолгъа къарай болур. Келигиз, анамы хатсрин этигиз да, алгъа бизге барайыкъ.

Къарашауай угъай дегенди. Нёгерлери да ыразылыкъларын билдиргендиле. Сора ала, чаба-жорта, бир къауум кюн баргъандыла. Бир элде бир ариу юню арбазына киргендиле. Атлыла ар-





базгъа киргенлей, алларына бир къарт къатын чыкъгъанды.

Къызым, къорунг болайым, жортуулда кѣп къалдыг да. Бу нѣгерлерниг а кимледиле? — дегенди ол.

Аны «къызым» дегенин эшитгенлей, Къарашауай да, нѣгерлери да сейирге къалгъандыла.

— Къонакъларым, жанларым! — дегенди къонакъгъа чакъыргъан. — Бюгече солугъуз. Тамбла уа толу хапар айтырма. Сизден, нарт къарындашларымдан жашырып затым жокъду.

Къарт ана къонакълашы отоугъа элгенди. Жаулу-бишли хангла бла сыйлагъанды. Сора къонакъла тѣше-мѣшеледе жатып жукълагъандыла.

Эрттендикде уа, жукъуларын къандырып, кийинип, къонакъла къол-бет жууаргъа башлагъан кезауде отоугъа бир ариу къыз кирип келгенди. Чачы да табанларына жете, кюн да, ай да бирге жарытханча бетн бла ол къонакъларына салам бергенди. Къонакъла аны таныгъандыла, жарыкъ саламлашхандыла.

Къонакъларын къыз алай терк ашырып къоймагъанды.

— Жанларым, кѣзлерим, тилеи айтама: мында бир ай солугъуз да, андап сора барырсыз юйлеригизге, — дегенди.

Жашла аны тилегин толтургъандыла. Ойнай-кюле, илишан ата, къол таш ата, тутушхан да эте, сау ай къонакълыкда тургъандыла. Къонакъбай къыз алагъа эгечлик этгенди. Кюп сайын биргелери-

не тургъанды, оюнларына къатышханды.

Бир ингирде уа чабып баргъан кийикни жетип, тутуп къоюучу нѣгери Къарашауайгъа кѣлондегин айтханды.

— Айып этмесенг, тенгим, санга бир айтыргъым бар эди, бир ичги сѣзюм, — дегенди.

— Нск айып этеме? Айт, маржа, айт, — деп, Къарашауай жарыкъ болгъанды.

— Мен бу къызын бек жаратама, — дегенин айтханды жаш, иймене-иймене. — Сен къалай къарайса ансы, алып муратлыма. Къызын да угъайы жокъду. Сѣлешгенбиз, келишгенбиз.

— Да ким угъай дейди! Аны алгъаракъдан айтсанг эди уа! — деп, Къарашауай секирип ёрге тургъанды. — Санга да, бизин барыбызгъа да бюгюнлюкде андан уллу къууанч къайда!

Къууанч хапарны эшитип, бирси жашла да къуш-къанат болгъандыла. Экинчи кюн а, халкъны жыйып, ёгюз къурманлыкъла союп, уллу той этгендиле. Алгъышха уста къартла киеулю, келинин да алгъышлагъандыла. Жаңгы юйленген жаш, жаңгыз къарт къатынны кесин къоюп кетмей, анга киеулюк, жашлыкъ да эте, анда къалгъанды. Къарашауай бла бирси эки нѣгери уа юйлерине къайтхандыла. Туудугъуну узакъ жолоучулукъдан сау-эсен келгенине Дебет апын бек къууанганды.

Къарашауайны биринчи кере жортуулгъа чыгыуу ма алай болгъанды.

*Басмагъа Сулейман ТЕППЕЕВ хизирлагъанды.*



## Сени устазынг

Къолунга къалам алыргъа,  
Жазаргъа, къара таныргъа  
Устазынг суююп юйретди,  
Дайым анга бол хурметли.

«Жахилликни кери къыста,  
Китапланы окъу уста», —  
Деди да, ол тюзюн айтды.  
Эринме, эрикме, хайт де!

Хайт де, кѣп билирге базын!  
Кѣп билсенг, суюген устазынг  
Къууаныр сени биргенге,  
Эл да къууаныр билгеннге!

Окъуп, алимликге жетип,  
Кѣпле этмегенни этип,  
Халкъ ийнагъы болсанг да сен,  
Дуниягъа айтылсанг да сен,

Алышына къышынг, жазынг,  
Къара танытхан устазынг  
Кѣзюнге кѣрюне туруп,  
Эсингде, кѣлюнде туруп!

Мурат КАЛАБЕКОВ



(Таулу къызчыкыны хапары)

Келигиз, танышайыкъ. Мени атым Лейляды. Кесим да быйыл Нальчикни школларыны биринде, 4-чю классда окъуйма. Сюс эсегиз, мен сизге бир сейир халар айтайым.

Билемисиз, биз жай солугъа чыгъардан алгъа, Нальчикге Германия Демократия Республикадан «Аэрос» деген цирк келген эди. Папа бла мен барып, анга къараргъа юч билет алдыкъ: экинни — экибизге, бирини а — мамагъа. Алай артда, мени бла тенг къызчыкъ — бизге хоншуда жашагъан Фатиматчыкъ да циркге барыргъа суюгенини айтханда уа, папам кесини билетип анга бериш къойду. Асыры къууашпгандан, папагъа, мамагъа, мама да кезиу-кезиу къарай, Фатимат бир кесекчик абызырагъаннга ушай эди.

Мен быйылгъа дери да циркге юч кере къарагъанма. Алай, нек эсе да, циркманга бу жолча сейир бир да кѣрюме генди. Алгъын къарагъан заманымда, баям, асыры гитчечик болур эдим.

«Аэрос» циркде кертиси бла да бек сейир затла кѣрдюк. Буююп да эсимледим: бир акъчач киши, имбашларына бир уллу къызы да миндирип, бийикде агъырыкъча тагъылгъан узун бауну юсюнде ары-бери жюриуп турду. Бир кезиуде уа, жыгъылыргъа аздап къалып, ахыбызны да алды. Несик батыр адам эди ол!

Биз, циркге къарай туруп, Фатиматны «батырлыгъын» да кѣрдюк. Белипе бойнуна да бир уллу жилин чулгъаннан тиширыу адлыбызгъа чыкъгъанда, ол, олтургъан жеринден секи-



рип туюшуп, шиктик туюбуне буктыган эди. Аны алай этген эсибизге туюшсе, бюгюн да куюлуп башлайбыз. Бизни бла бирге Фатимат кеси да куюледи.

Тюрлю-тюрлю жаныуарлагъа, атлагъа да сейир этип къарагъан эдик. Мен барындан да бек атланы жаратханма. Къалай ариула, къалай огъурлуладыла ала! Кеслери да, ислерини хар айтханларын эте, чабып, тегерек айлана келип, арт аякъларына иппи туруп къала эдиле. Бирде уа тепсел башлай эдиле. Кюн бетли туюклери жылтырай, юслерине, боюнларына къара ызлыкъла тартылгъанча, бек ариу керуне эдиле къапланла да. Алай ала огъурсуз хырылдай, ауузларын керип, уллу тишлерин ачсала, мени солууум тыйылып къала эди. Кесиме, маягъа не да Фатиматха къоркъуун угъай! Къарагъанлагъа хата этмезча, жаныуарла темир чыбыкъдан эшилген бийик чалдиниши ичинде эдиле. Мен анда — къапланла арасында ары-бери жортуп айланыган адамгъа къоркъла эдим. Къоркъмай а! Ол, къолуна да бир узун къамичи алып, къапланланы сюрүп, алагъа айтханын этдирип айланыганды. Алай эте келип, къапланладан бирине уа ол кесини аузундан эт тигимчик окъуна къапдыргъанды. Насыха, къапланла анга бир тюрлю хата этмегендиле.

Мени эсимде дагъыда кеп зат къалгъанды. Бир киши, сёз ючюп, сыртындан жатып, бир узун баскычны эки аягъы бла ёрге кетюрюп тургъанды. Эки ктыз а, ол баскычпы бек башына ёрлеп, суюгенлерича, ары-бери бурула, бийикде иги кесек мычыгъандыла. Жапгыз чархлы гитче аякъ машинагъа бир исича адам минип айланыганы да кергенме. Аланы андан жыгылмагъанларына, аякъ машинаны да сынмай къалгъанына сейир этгенме. Дагъыда бир уллу жашла, ёрге-ёрге секирип, юч-тёрт кере бурулуп, баш тебен айланып, биягъы аягъы юслерине туюшуп къала эдиле.

Барындан да хычыуун а клоунла эдиле, сандыракъчыла. Аланы кийимлерин керсенг окъуна, кюлмей тёзаллыкъ туююл эдинг. Бетлери да бир сейирликле боялып. Ала, ол эки сандыракъчы, циркни тегерек «майданындан» тышына чыгып, къараучула олтургъан жерлеге келяп, хар кимни кюлдюрюп, чегисиз этип айланыгандыла. Бизге жукъ жетмеген эди ансы, ала бир-бир сабийлеге саугъала да бергендиле.

Энди уа келлик болурму Нальчикге «Аэрос»? Фатимат бла мен аны бек ашыгып сакълайбыз. Келсе, папаны да биргебизге элтип, энтда анга бир бармай къаллыкъ туююлбюз.







## Муратынга жет, Диана!

Нальчикде жашагъан таулу кыыз Кучмезова Диана быыйл 10-чу классны алтын майдалгъа бошагъанды. «Нюрню» корреспонденти, анга тюбен, быллай ушакъ этгенди:

— Диана, «Нюрню» окъуучулары да, мен да школну алтын майдалгъа бошагъанынг бла сени кызыу алгъышлайбыз.

— Сау болугъуз.

— Санга тюберден алгъа, Диана, сени окъутхан устазлары бир къауумлары бла селештенме. Ала сени бек сюйгенлерин, биринчи классдан башлап, хар заманда «бешлеге» окъугъанынг айтхандыла. Дерсинги иги билмей, осал белги алгъанынг а болгъанмыды?

— Болгъанды. Бир жол, 8-чи классда окъугъанымда, дерсге тынгылы хазырланмай барып, геометриядан «2» алгъаным эсимдеди. Ол кюн жюрегим къалай кыйналгъанын бюгюн да унутмагъанма. Устазларымдан, теиглеримден да уялыр ючюн къалмагъан эдим. Бол-

са да, ачыгъын айтсам, ол кюнню мен жашауумда бек кыйматлы кюнледен бирине санайма. Уллу кёялюк бла эринчеклик окъугъан адамгъа осал «шуёхла» болгъанларын ол кюн толу ангылагъан эдим.

— Сен бек сюйген дерс а къайсы эди?

— Литературадан берилген дерс.

— Малкъар, къабарты жазуучуланы китапларын окъуй болурса, Диана? Бизни жазуучуладан кимлени чыгъармаларын бек жаратаса?

— Къайсын Кулиевни бла Алим Кешоковну.

— «Шюр» журналны уа окъуймуса?

— Окъумай а! Сюйюп, къууанып окъуйма. Ана тилибизде ол журналны чыккыгъаны барыбызгъа да игиди. Ол миллетибизни тилиг терен билирге юйретеди. Аны сюсрге юйретеди.

— Энди юйюрюгюзюк юсюнден да бир-эки сёз айтсанг эди.

— Айтайым. Атам, анам да дохтурладыла, врачла. Анам Орджоникидзеде медицина институтну, атам а Ростовада медицина институтну бошагъандыла. Атам саусузла юйюнде хирург болуп эрттеден ишлейди. Бюгюн да андады. Анам да иште болур.

— Сен кесинг а къайда окъургъа, къаллай усталыкъ алыргъа сюссс?

— Гитче заманымдан бери да сабий дохтур болургъа сюме. Болалсам, Ростовада медицина институтка кирирге кюрешрикме.

— Школда окъутхан устазларынга уа ыразымыса?

— Ыразыма, бек ыразы. Хар заманда ала мени жюрегимде бек жууукъ адамларымча сакъланырыкъдыла. Ала манга билим бергендиле. Ариу адепли, ариу кылыккылы болургъа юйретгендиле. Тюз актыллы, тюз ниетли болууну дерслерин да мен аладап алгъанма.

— Бусагъатда школда окъуй тургъан сабийлеге уа не айтырынг барды?

— Айтырым а буду: эринмей, эрикмей, къадалып, иги окъусунла. Бизни, таулулары, уруш да жунчутханды, кёчгюнчюлюк да жунчутханды дейдиле атам бла анам. Алайды да, бюгюнлюк-



де халкыбызны сыйын, кьолайын, мил-  
лет культурасын кѣтюрюр ючюн бизни  
окъуулу, билимли адамларыбыз кѣп бо-  
лургъа керекдиле. Школгъа жүрюген  
жашла бла къызла аны унутмасында!

— Сен сабий дохтур болур мураты-  
нгы айтханса. Огъурлу ишге таукелле-  
шип, кыйып, алай сыйлы жолну сайла-  
гъанса. Жашауунгдан, жолунгдан  
къууан. Муратынга жет, Диана!

МАДИНА ШАВАЕВА

# КѢГЮРЧЮНЛЕ

Бир кезиуде битеу кѣгюрчюнле биз-  
ни арбазгъа жыйылып къалгъан сунар  
эдинг. Эрттен сайын ала, ариу-ариу му-  
рулдай, тѣгеригибизге жыйылып къала  
эдиле. Биз, бир тийреде жашагъан са-  
бийле барыбыз да, алагъа ѳтмек бурху-  
ла ашатып, тойдуруп турдукъ. Гит-  
челе, уллула да ол ариу, ол халал къа-  
натлыланы бек сюе эдик. Ала да, биз-  
ден кѣоркъмай, учуп келип, къатыбыз-  
гъа кѣонуп къала эдиле. Ала алай кѣон-  
сала, биз да кѣууана.

Бир кюн а къайдан эсе да биз таны-  
магъан бир жашчыкъла келдиле. Кѣол-  
ларында да тыякълары, стрелкалары  
бла. Баям, ала ол ариу кѣгюрчюнлени  
мурулдауларын, кеслерин алай эркин  
жүрютгенлерин жаратхан болмаз эди-  
ле. Тыякъларын сызып, стрелкалары  
бла да атып, кѣгюрчюнлени юркиютдю-  
ле. Биз гузаба этип чапдыкъ. Алай, биз  
жетгинчи, эки кѣгюрчюнню алякчыкъ-

ларын кѣыяулу этип, ала къачып кет-  
диле. Кѣыяулу кѣгюрчюнлени юйге эл-  
тип, сау ыйыкъ кюрешип, жараларын  
сау этдик. Сѣйир эди, аланы мурулдау-  
лары, алгъынча болмай, жияй тургъан-  
нга ушай эди.

Ол хыличи жашчыкълагъа биз бек  
ачыуландыкъ. Кѣолубузгъа тюшселе,  
тѣйген этерик эдик. Алай ачыуубуз  
бир-эки кюнден селейди. Сора ол жаш-  
чыкъла бир эрттенликде биягъы бизни  
арбазгъа келдиле. Биз тѣйюшюрге чап-  
мадыкъ. Ариу-ариу сѣлешип, айып эт-  
дик. Ала, бизни айып этгенибизге са-  
гъышлы тынгылап, уялдыла, кѣызарды-  
ла. Бир заманда да кѣгюрчюнлеге тий-  
мезге сѣз бердиле. Алай кеч сокъурана  
эдиле. Ол ариу къанатлычыкъла бизни  
арбазгъа кѣонмагъанлы юч-тѣрт кюн  
бола эди. Андан бери кѣп кюн да оз-  
ганды. Кѣгюрчюнле энди келмейдиле  
бизге.







ЧЫКЪЫНЖИК  
(СОРОКА)

ДОРБУНКЪУЛ  
(СКВОРЕЦ)

КЪОЙ ЧЫПЧЫКЪ  
(ДРОЗД)

сур А. Амбарянныды



# Т О Р А М Ы Р Л Ю

Мурадин ЁЛМЕЗОВ

Пил

Пил дегенинг пилди.  
Пил — оқи түйюлдю!

Асландан да къркымайды,  
Къанландан да къркымайды.


Ол ауур атлайды,  
Ол кырлык отлайды.

Пил, пил — пилди,  
Пил къркыакъ түйюлдю!

Ол жукудан букымаймыды?  
Ол жукудан къркымаймыды?

Къркыады бир затчыкъдан,  
Къркыады чычханчыкъдан.

Бретин андан жукулайды.  
Мя алайды,  
Мя алайды!



Баггалы окъуугула!  
Бу жаныуарланы  
атлары тибеген  
нарт сизлени,  
жазып, "Нюрге"  
тийиз.





«НЮР» («СВЕТ») № 10

ЕЖЕМЕСЯЧНЫЙ  
ДЕТСКИЙ ЖУРНАЛ  
СОЮЗА ПИСАТЕЛЕЙ  
КБАССР  
И КАБАРДИНО-  
БАЛКАРСКОГО  
ОБКОМА ВЛКСМ

Выходит  
с января 1982 года

На Балкарском языке

Главный редактор  
объединенной редакции  
«СВЕТ»  
П. КАЖАРОВ

Редактор журнала  
«НЮР»  
Э. ГУРТУЕВ

Редакция:

И. БОТАШЕВ  
И. ГАДИЕВ  
А. МАМАЕВ  
М. ОЛЬМЕЗОВ  
А. СОЗАЕВ  
Ж. ТОКУМАЕВ  
Х. ШАБАЕВ

Художественное  
редактирование  
и макет  
М. ТАТРОКОВА

Рисунок на обложке  
Е. ЧЕЧЕНОВОЙ

Корректор  
Ф. ТЕПЛЕЕВА

Сдано в набор  
27.08.82.  
Подписано в печать  
18.09.82  
Формат 60×90/16  
Бумага офсетная № 1  
Гарнитура литературная,  
журнальная рубкасная  
Печать офсетная  
Усл. п. л. 4  
Усл. кр.-отт. 6  
Уч. изд. л. 2,7  
Тираж 2500 экз.  
Заказ № 4538  
Цена 15 к.  
Индекс 70908

Адрес редакции:  
350060, Нальчик,  
пр. Ленина, 6, Дом печати

Издательство «Адыгэ»  
Нальчик,  
ул. Адмирала Гоголя, 8

Полиграфкомбинат  
им. Революции 1905 года  
Госкомиздата КБАССР  
пр. Ленина, 33

